

ÁRSSKÝRSLA  
HÆSTARÉTTAR ÍSLANDS



2001





Hér gefur að líta ársskýrslu Hæstaréttar Íslands í þriðja sinn. Í henni er að finna upplýsingar um starfsemi réttarins á árinu 2001.

Í janúar 2002

Sigrún Guðmundsdóttir  
skrifstofustjóri  
Hæstaréttar Íslands



## I. Inngangur

Samkvæmt 10. gr. dansk-íslensku sambandslaganna nr. 39/1918 skyldi Hæstiréttur Danmerkur hafa á hendi æðsta dómstvald í íslenskum málum, þar til Ísland kynni að ákveða að stofna æðsta dómstól í landinu sjálfu. Þessi heimild var notuð umsvifalaust og var Hæstiréttur Íslands stofnaður með lögum nr. 22/1919 um hæstarétt. Samhliða því að dómstvald Hæstaréttar Danmerkur var afnumið var Landsyferrétturinn, sem settur hafði verið á stofn árið 1800, lagður niður og hafa dómstigin í landinu síðan verið tvö. Hæstiréttur Íslands tók til starfa 16. febrúar 1920.

Um Hæstarétt er nú kveðið á í lögum nr. 15/1998 um dómstóla. Samkvæmt 1. gr. laganna er Hæstiréttur Íslands æðsti dómstóll ríkisins. Hann er áfrýjunardómstóll og hefur aðsetur í Reykjavík. Heimilt er þó að halda dómþing annars staðar sé til þess sérstök ástæða. Þar sem Hæstiréttur er áfrýjunar- eða málskotsdómstóll felast verkefni hans einkum í því að endurskoða dómsathafnir héraðsdómstólanna, sem eru alls átta talsins. Aðrir dómstólar eru Félagsdómur og Landsdómur og verður úrlausnum þeirra yfirleitt ekki skotið til Hæstaréttar.

Málum verður skotið til Hæstaréttar með tvenns konar hætti: Annars vegar með áfrýjun máls, hins vegar með kæru. Með áfrýjun er átt við það, að lokaúrlausn héraðsdóms, sem venjulega er í formi dóms, sé skotið til Hæstaréttar til endurskoðunar. Til þess að máli verði áfrýjað þarf að vera fyrir hendi heimild til þess í lögum og er áfrýjunarheimildirnar að finna í XXV. kafla laga nr. 91/1991 um meðferð einkamála og XVIII. kafla laga nr. 19/1991 um meðferð opinberra mála. Í lögnum eru áfrýjunarheimildirnar skilgreindar neikvætt á þá leið, að almennt er heimilt að áfrýja máli nema sérstök atvik eigi

við. Eru það einkum mál sem varða lágar fjárhæðir sem sæta takmörkunum að þessu leyti, en Hæstiréttur getur þó einnig heimilað áfrýjun slíkra mála að nánar tilteknum skilyrðum fullnægðum.

Með kæru er almennt átt við það, að úrlausn héraðsdómstóls, sem ekki bindur endi á mál að efni til og yfirleitt er í formi úrskurðar eða ákvörðunar, sé skotið til Hæstaréttar. Hér má til dæmis nefna úrskurði héraðsdómara um hvort hann víki sæti í máli og úrskurði um gæsluvarðhald. Í sumum tilvikum verður þó endanlegum úrlausnum héraðsdómstóla skotið til Hæstaréttar með kæru, en ekki með áfrýjun, einkum úrlausnum sem varða gildi svokallaðra fullnustugerða sýslumanna, t.d. aðfarargerða og nauðungarsölu. Heimildir til kæru er einkum að finna í í XXIV. kafla laga nr. 91/1991 um meðferð einkamála og XVII. kafla laga nr. 19/1991 um meðferð opinberra mála, en einnig í ýmsum sérlögum, t.d. lögum nr. 90/1989 um aðför og lögum nr. 90/1991 um nauðungarsölu.

Áfrýjuð mál eru almennt flutt munnlega fyrir Hæstarétti. Eftir ákvörðun forseta Hæstaréttar taka þrír eða fimm dómáramar við Hæstarétt þátt í meðferð máls fyrir dómi. Í sérstaklega mikilvægum málum getur forseti þó ákveðið að sjö dómáramar skipi dóm. Meðferð kærumála er mjög frábrugðin meðferð áfrýjaðra mála. Felast frávikin aðallega í því að málsmeðferð er skrifleg og gengur mun skjótar fyrir sig en ella.

Dómar Hæstaréttar eru endanlegir og verður þeim ekki skotið til neins annars dómstóls. Mál sem dæmt hefur verið í Hæstarétti verður því aðeins endurskoðað, að Hæstiréttur ákveði að málið skuli endurupptekið og tekið til meðferðar að nýju. Heimildum til endurupptöku mála er almennt skorinn nokkuð þröngur stakkur og er þær að finna í XXII. kafla laga nr. 19/1991 um meðferð opinberra mála og XXVII. kafla laga nr. 91/1991 um meðferð einkamála.


Nánari upplýsingar um sögu Hæstaréttar, starfsemi, starfsfólk og dómhús réttarins má finna á heimasíðu réttarins undir hnappinum: UM HÆSTARÉTT. Þá hefur verið gefinn út á vegum réttarins litprentaður bæklingur, þar sem stiklað er á stóru í sögu réttarins, starfsemi hans reifuð og húsakostur kynntur.



## II. Starfsemi réttarins

### Ný mál árið 2001

Hér gefur að líta fjölda þeirra mála sem bárust Hæstarétti á árinu 2001. Til samanburðar eru birtar tölur fyrir árin 1988 og 1997-2000. Málunum er annars vegar skipt í áfrýjuð mál, sem flutt eru munnlega fyrir réttinum og kærumál, sem eru yfirleitt skriflega flutt. Hins vegar er málunum skipt eftir því hvort um er að ræða einkamál eða opinber mál.



- Kærðir úrskurðir í opinberum málum
- Kærðir úrskurðir í einkamálum
- Áfrýjaðir dómar í opinberum málum
- Áfrýjaðir dómar í einkamálum

**1988 1997 1998 1999 2000 2001**

### Áfrýjun:

Einkamál	253	254	265	223	235	240
Opinber mál	65	75	75	58	63	63

### Kæur:

Einkamál	41	104	105	111	81	92
Opinber mál	39	91	66	113	84	66
<b>Total</b>	<b>398</b>	<b>524</b>	<b>511</b>	<b>505</b>	<b>463</b>	<b>461</b>

Svo sem sjá má af þessu hefur áfrýjuðum málum fjölgað lítillega frá árinu 2000 en á móti kemur að kærumál voru færri en á fyrra ári. Heildarfjöldi mála er því nánast sá sami og í fyrra. Kærum í opinberum málum fækkaði enn frá árinu 1999 er fjöldi þeirra náði hámarki meðal annars vegna viðamikilla rannsókna lögreglu á því ári.



## Dómar á árinu 2001

Hér að neðan er að finna yfirlit um fjölda dæmdra mála í Hæstarétti á árinu 2001. Til samanburðar eru birtar tölur fyrir árin 1988 og 1997-2000. Er máluum sem fyrr skipt í áfrýjuð mál og kærúmál.

Alls var meðferð 417 mála lokið á árinu, sem er tveimur málum færri en í fyrra. Af 260 munnlega fluttum málum voru 3 mál flutt fyrir 7 dómurum, 76 mál voru flutt fyrir 5 dómurum en 181 mál voru flutt fyrir 3 dómurum. Dómarar skiluðu sératkvæði 12 sinnum á árinu. Í sératkvæðum sínum skiluðu dómarar 7 sinnum annarri efnislegri niðurstöðu, 4 sinnum annarri niðurstöðu að hluta og einu sinni var dómari sammála niðurstöðu meirihlutans með öðrum rökstuðningi.

**1988 1997 1998 1999 2000 2001**


### Áfrýjun:

Dómar í einkamálum	109	200	230	264	200	207
Dómar í opinberum málum	52	60	56	88	54	56

### Kæurur:

Dómar í einkamálum	38	98	111	103	84	93
Dómar í opinberum málum	36	82	61	111	81	61
	<u>235</u>	<u>440</u>	<u>458</u>	<u>566</u>	<u>419</u>	<u>417</u>

Dómar 1988 og 1997-2001



- Dómar í kærúmálum v. opinberra mála
- Dómar í kærúmálum v. einkamála
- Dómar í áfrýjuðum opinberum málum
- Dómar í áfrýjuðum einkamálum

## Skipting dæmdra mála eftir málsúrslitum á árinu 2001


Eftirfarandi er skipting dæmdra mála á árinu 2001 eftir málsúrslitum. Er málunum sem fyrr skipt í áfrýjuð mál og kærumál.

### Áfrýjun


#### Einkamál

Heildarfjöldi áfrýjaðra einkamála sem dæmd voru á árinu 2001 er 207 mál. Þar af var niðurstaða héraðsdóms staðfest í 80 málum. Í 25 málum var niðurstöðu héraðsdóms breytt að einhverju leyti og í 93 málum var niðurstöðu héraðsdóms breytt að verulegu leyti eða snúið við. Í 9 tilvikum var málum vísað frá, þau felld niður eða héraðsdómur ómerktur.

Dómar í einkamálum




- Staðfest
- Breytt að einhverju leyti
- Breytt að verulegu leyti eða snúið við
- Annað: ómerking, frávísun, niðurfelling





Dómar í opinberum málum




### Opinber mál

Alls voru dómar í opinberum áfrýjuðum málum 56 á árinu 2001. Þar af var niðurstaða héraðsdóms staðfest í 20 málum. Niðurstöðu héraðsdóms var breytt að einhverju leyti í 28 málum og eru þar með taldar breytingar á refsingum. Í tveimur málum til viðbótar var niðurstöðu héraðsdóms breytt að verulegu leyti eða snúið við. Sex málum var vísað frá eða þau felld niður.



Dómar í kærumálum



- Staðfest
- Breytt að verulegu leyti eða snúið við
- Ómerking eða frávisun frá héraðsdómi eða Hæstarétti

### Kæurur

Alls voru kveðnir upp dómar í 154 kærumálum á árinu 2001. Þar af var niðurstaða héraðsdóms staðfest eða staðfest að mestu í 100 málum. Niðurstöðu héraðsdóms var breytt að verulegu leyti eða snúið við í 39 málum og 15 málum var vísað frá héraðsdómi eða Hæstarétti eða meðferð þeirra ómerkt.



## Ódæmd mál 31. desember 2001

### Áfrýjanir

Eftirfarandi er yfirlit yfir ódæmd mál sem áfrýjað hafði verið til Hæstaréttar fyrir 31. desember 2001. Til samanburðar eru tölur frá árinu 2000.

Ódæmd mál 31. desember	2000	2001
------------------------	------	------

### Áfrýjun

#### Einkamál:

Alls ódæmd	<u>90 mál</u>	<u>89 mál</u>
------------	---------------	---------------

#### Þar af:

Frestað til flutnings	66 mál	65 mál
-----------------------	--------	--------

Frestað til þingfestingar eða greinargerðar	24 mál	24 mál
--	--------	--------

#### Opinber mál:

Alls ódæmd	<u>13 mál</u>	<u>17 mál</u>
------------	---------------	---------------

#### Þar af:

Tilbúin til flutnings	8 mál	13 mál
-----------------------	-------	--------

Ágrip ekki komið	5 mál	4 mál
------------------	-------	-------

Fjöldi ódæmdra mála í árslok hefur haldist um það bil sá sami undanfarin ár.

### Kærum

Eftirfarandi er yfirlit yfir ódæmd kærumál sem skotið hafði verið til Hæstaréttar fyrir 31. desember 2001. Til samanburðar eru tölur frá 2000.

Ódæmd mál 31. desember	2000	2001
------------------------	------	------

### Kærum

Alls ódæmd	<u>4 mál</u>	<u>4 mál</u>
------------	--------------	--------------





## Endurupptaka mála

Niðurstöður héraðsdóma sem ekki hefur verið áfrýjað og mála sem dæmd hafa verið í Hæstarétti verða því aðeins endurskoðaðar, að Hæstiréttur ákveði að málið skuli endurupptekið og tekið til meðferðar að nýju. Heimildum til endurupptöku mála er almennt skorinn nokkuð þröngur stakkur og er þær að finna í XXII. kafla laga nr. 19/1991 um meðferð opinberra mála og XXVII. kafla laga nr. 91/1991 um meðferð einkamála. Á árinu 2001 bárust Hæstarétti alls 8 beiðnir um endurupptöku óáfrýjaðra héraðsdóma og hæstaréttardóma. Af þessum beiðnum var ein samþykkt en fjórum hafnað. Þrjár endurupptökubeiðnir biðu afgreiðslu í árslok.

## Áfrýjunarleyfi

Eins og nánar greinir í inngangi skýrslunnar er heimildir til áfrýjunar mála til Hæstaréttar að finna í XXV. kafla laga nr. 91/1991 um meðferð einkamála og XVIII. kafla laga nr. 19/1991 um meðferð opinberra mála. Almennt er heimilt að áfrýja máli nema sérstök atvik eigi við. Eru það einkum mál sem varða lágar fjárhæðir (á árinu 2001 var miðað við mál sem vörðudu fjárkröfur eða sektir lægri en 370.588 krónur) sem sæta takmörkunum að þessu leyti. Getur Hæstiréttur þó heimilað áfrýjun slíkra mála að nánar tilteknum skilyrðum fullnægðum. Eftirfarandi er yfirlit yfir fjölda mála þar sem áfrýjun var heimilud sérstaklega af Hæstarétti. Til samanburðar eru tölur frá árunum 1997-2000.

Ár	1997	1998	1999	2000	2001
<b>Fjöldi beiðna</b>	<b>68</b>	<b>54</b>	<b>63</b>	<b>50</b>	<b>68</b>
Samþykkt	35	14	24	17	25
Hafnað	26	32	34	26	33
Afturkallað/óafgreitt	7	8	5	7	10



### III. Önnur starfsemi Hæstaréttar

#### Prófmál

Samkvæmt lögum nr. 77/1998 um lögmenn ber að beina umsókn um að þreyta prófraun til öflunar málflutningsréttinda fyrir Hæstarétti til sérstakrar prófnefndar sem í sitja þrír menn, tveir nefndarmanna tilnefndir af Hæstarétti og einn af Lögmannafélagi Íslands. Dómendur Hæstaréttar, sem skipa dóm í viðkomandi máli, meta hvort umsækjandi hafi staðist prófraunina.

Á árinu 2001 fluttu 13 prófmenn samtals 14 prófmál og alls luku 8 héraðsdómslögmenn prófraun fyrir Hæstarétti.



## Tilnefningar

Á hverju ári tilnefnir Hæstiréttur Íslands í stjórnir, ráð og nefndir á grundvelli laga. Eftirfarandi er yfirlit yfir tilnefningar og skipanir réttarins á árinu 2001.

*16. janúar 2001*

**Kjaradómur skv. lögum nr. 120/1992:**

Aðalmenn:

Garðar Garðarsson hrl., formaður

Margrét Guðmundsdóttir viðskiptafr.

Varamaður:

Jakob Möller hrl.

**Úrskurðarnefnd lögmanna skv. lögum nr. 77/1998,**

- ad hoc:

Sigurmar K. Albertsson hrl.

*1. júní 2001*

**Úrskurðarnefnd lögmanna skv. lögum nr. 77/1998,**

- ad hoc:

Sigurmar K. Albertsson hrl.

**Áfrýjunarnefnd samkeppnismála skv. lögum nr. 8/1993,**

-ad hoc:

Arnþjóttur Björnsson fyrrv. hæstaréttardómari

Ingvaldur Einarsson dómari

**Félagsdómur skv. 39. gr. laga nr. 80/1938:**

Erla Jónsdóttir hrl.

Helgi I. Jónsson héraðsdómari

Kristjana Jónsdóttir héraðsdómari

**Gerðardómur skv. 2. gr. laga nr. 34/2001:**

Garðar Garðarsson hrl., formaður

Guðmundur Skaftason fyrrv. hæstaréttardómari

Brynjólfur Sigurðsson prófessor

**Félagsdómur skv. 39. gr. laga nr. 80/1938:**

Helgi I. Jónsson héraðsdómari, varaforseti

*20. september 2001*

**Úrskurðarnefnd lögmanna skv. lögum nr. 77/1998,**

- ad hoc:

Atli Gíslason hrl.

**Yfirfasteignamatsnefnd skv. lögum nr. 6/2001:**

Andrés Svanbjörnsson verkfræðingur

Agnar Gústafsson hrl.

Bjarni Ásgeirsson hrl.

Brynjólfur Sigurðsson prófessor

Guðný Björnsdóttir hdl.

Guðmundur Magnússon prófessor

Jón Guðmundsson löggiltur fasteignasali

Pálmi R. Pálmason verkfræðingur

Pétur Stefánsson verkfræðingur

Steinunn M. Lárusdóttir hdl.

*18. október 2001:*

**Áfrýjunarnefnd samkeppnismála skv. lögum nr. 8/1993,**

- ad hoc:

Helgi I. Jónsson héraðsdómari

**Félagsdómur til þriggja ára sbr. 1. mgr. 39. gr. laga nr. 80/1938:**

Aðalmenn:

Eggert Óskarsson héraðsdómari, forseti Félagsdóms

Gylfi Knudsen lögfræðingur

Varamenn:

Helgi I. Jónsson héraðsdómari, varaforseti Félagsdóms

Arngrímur Ísberg héraðsdómari

Tilnefningar til ráðherra:

Kristjana Jónsdóttir héraðsdómari

Erla Jónsdóttir hrl.

Hjördís Hákonardóttir héraðsdómari





## Aukatekjur Hæstaréttar

Á grundvelli laga nr. 88/1991 um aukatekjur ríkissjóðs innheimtir Hæstaréttur aukatekjur fyrir ríkissjóð. Er skipting tekna ársins 2001 eftirfarandi:

Útgáfa áfrýjunarstefna	3.116.500
Þingfestingar mála	836.500
Endurrit	207.330
Útgáfa áfrýjunarleyfa	195.500
Ljósrit	16.000
<b>Samtals</b>	<b>4.371.830</b>

Aukatekjur Hæstaréttar



## IV. Starfsmenn, dómarar og varadómarar

### Starfsfólk Hæstaréttar 2001

Frá stofnun Hæstaréttar hafa 39 menn verið skipaðir í embætti hæstaréttardómara. Þar af voru 18 dómarar skipaðir í embætti á árunum 1980-2001, 10 dómarar á árunum 1960-1980, en einungis hlutu 11 dómarar skipun á þeim 40 árum sem liðu frá stofnun réttarins árið 1920 til ársins 1960. Helgast þessi fjölgun á skipunum hæstaréttardómara meðal annars af því að reglur um fjölda hæstaréttardómara hafa breyst í gegnum tíðina. Þegar Hæstiréttur Íslands var stofnaður skyldi dómstjóri og fjórir meðdómendur skipa dóminn. Mátti þá eigi setja dóm með færri dómendum en fimm. Dómurum við Hæstarétt var fækkað í þrjá með lögum nr. 37/1924. Með lögum nr. 111/1935 var dómurum aftur fjölgað í fimm, en þeir skyldu þó aðeins vera þrír, þangað til fé yrði veitt í fjárlögum til fjölgunar dómurum. Komst það til framkvæmda 1945. Dómurum var fjölgað með lögum nr. 42/1973 í sex, en fimm dómarar skyldu þá skipa dóm. Þó var heimilt að þrír dómarar dæmdu í málum við tiltekin skilyrði. Með lögum nr. 24/1979 var dómurum fjölgað í sjö og enn var dómurum fjölgað í átta, með lögum nr. 67/1982. Með lögum nr. 39/1994 var dómurum síðan fjölgað í níu. Á árinu 2001 höfðu eftirtaldir dómarar fasta skipun í embætti hæstaréttardómara:

Árni Kolbeinsson hæstaréttardómari  
Garðar Gíslason hæstaréttardómari  
Guðrún Erlendsdóttir hæstaréttardómari  
Gunnlaugur Claessen hæstaréttardómari  
Haraldur Henrysson hæstaréttardómari  
Hjörtur Torfason hæstaréttardómari (til 1. mars 2001)  
Hrafn Bragason hæstaréttardómari  
Ingibjörg Benediktsdóttir (frá 1. mars 2001)  
Markús Sigurbjörnsson hæstaréttardómari  
Pétur Kr. Hafstein hæstaréttardómari

Á árinu 2001 var Garðar Gíslason forseti Hæstaréttar, en Guðrún Erlendsdóttir varaforseti réttarins. Símon Sigvaldason er skipaður skrifstofustjóri Hæstaréttar. Hann var í leyfi árið 2001. Áslaug Árnadóttir var sett tímabundið í embættið til 15. mars. Sigurjóna Símonardóttir var sett frá þeim tíma en forfallaðist og hefur Sigrún Guðmundsdóttir verið sett til að gegna embættinu frá 14. maí 2001.



Eftirtaldir varadómarar voru kallaðir til starfa á árinu:

Arnlfótur Björnsson fyrrverandi hæstaréttardómari  
Björn P. Guðmundsson prófessor  
Stefán Már Stefánsson prófessor  
Viðar Már Matthíasson prófessor (settur í embættið 17. janúar - 28. febrúar 2001)

Á árinu 2001 störfuðu alls 25 starfsmenn hjá Hæstarétti Íslands, en þar af voru tíu dómarar. Annað starfsfólk Hæstaréttar á árinu 2001 var:

Arnar Þór Jónsson aðstoðarmaður hæstaréttardómara  
Áslaug Árnadóttir settur skrifstofustjóri  
Ásta Kristjánsdóttir aðstoðarmaður hæstaréttardómara  
Berglind Ósk Agnarsdóttir ræstingarmaður  
Gizur Bergsteinsson aðstoðarmaður hæstaréttardómara  
Guðmundur Guðmundsson dómvörður  
Guðmundur Karlsson dómvörður  
Jakobína Sveinsdóttir bókasafnsfræðingur  
Kristín Guðmundsdóttir ritari  
Kristín Ísleifsdóttir ritari  
Kristín Sigurðardóttir ræstingarmaður  
Sigrún Guðmundsdóttir settur skrifstofustjóri  
Sigrún Káradóttir ritari  
Sigurjóna Símonardóttir settur skrifstofustjóri  
Þórólfur Jónsson aðstoðarmaður hæstaréttardómara



## V. Heimasíða Hæstaréttar

Hæstiréttur opnaði heimasíðu sína á netinu í janúar 1999. Var það aðallega gert í því skyni að gera dóma réttarins aðgengilega fyrir sem flesta.


Á heimasíðu Hæstaréttar er að finna ýmiss konar upplýsingar um starfsemi réttarins, sem bæði gagnast lögfræðingum og almenningi. Á árinu 2001 voru gerðar nokkrar breytingar á uppsetningu vefsíðunnar með það fyrir augum að auðvelda aðgang og leit. Eftirfarandi er yfirlit yfir helstu efnisþætti heimasíðunnar:

1. Undir liðnum DÓMAR birtast allir dómur, sem kveðnir eru upp af réttinum auk þeirra héraðsdóma eða annarra úrlausna héraðsdóms sem til endurskoðunar hafa verið. Á heimasíðunni er nú að finna þá dóma sem kveðnir hafa verið upp frá 1. janúar 1999. Frá upphafi hefur verið miðað við að dómur, sem kveðnir eru upp á reglulegum dómþingum á fimmtudögum kl. 16:00, skyldu birtir á síðunni kl. 16:30 sama dag. Dómur í kærumálum eru settir inn á síðuna strax að lokinni uppkvaðningu, eða eins fljótt og auðið er.

2. Undir liðnum ÁFRÝJUD MÁL er yfirlit yfir dómsuppkvaðningar og dagskrá réttarins. Þá er þar einnig að finna skrá yfir mál, sem áfrýjað hefur verið til réttarins. Allar breytingar eru færðar inn á heimasíðuna strax og þær liggja fyrir.

3. Undir liðnum LÖG OG REGLUR eru þau lög sem mæla fyrir um starfsemi réttarins. Þá eru þar vistaðar reglur um dómsgerðir í einkamálum og opinberum málum sem og málsgögn í einkamálum og í opinberum málum, en reglur þessar lýsa í hvern búning málum skal komið fyrir meðferð þeirra í Hæstarétti. Þá er þar að finna reglugerð um málaskrá, auk yfirlits yfir meginreglur um áfrýjanir og kærur mála til Hæstaréttar.

4. Undir liðnum UM HÆSTARÉTT er að finna ýmsar hagnýtar upplýsingar um réttinn, æviágrip dómara og fyrrverandi hæstaréttardómara, lista yfir starfsmenn réttarins og upplýsingar um netföng dómara og starfsmanna. Þá er þar að finna yfirlit yfir sögu dómstóla á Íslandi frá 930 til okkar tíma. Einnig gefur þar að líta umfjöllun um dómhús Hæstaréttar við Arnarhól og frásögn af aðdraganda að byggingu þess. Gestum á heimasíðu Hæstaréttar gefst þar jafnframt kostur á að skoða bækling, sem gefinn hefur verið út um sögu réttarins, starfsemi hans og dómhúsið og ársskýrslur Hæstaréttar.



5. Á heimasíðu Hæstaréttar er LEITARVÉL sem gerir mögulegt að leita í dómum Hæstaréttar frá 1. janúar 1999. Hægt er að leita eftir málnúmerum, lykilorðum, dómstexta, málsaðilum, lagagreinum o.fl. Leitarvélin hefur verið endurbætt nokkuð eftir að vefsíðan var opnuð.

6. Á heimasíðunni gefst öllum kostur á að senda réttinum fyrirspurnir með TÖLVUPÓSTI. Hefur þessi þjónusta mælst vel fyrir og verið nokkuð mikið notuð.

7. Þá er að finna á heimasíðu Hæstaréttar lista yfir áhugaverðar heimasíður sem innihalda TENG TENG EFNI.

Ekkert gjald er tekið fyrir uppflettingar á heimasíðunni. Hefur síðunni verið mjög vel tekið bæði af lögfræðingum og öðrum og hefur tilkoma hennar bætt til muna aðgang almennings að dómum Hæstaréttar og stuðlað að aukinni umræðu um dómsmál í þjóðfélaginu. Á árinu 2001 komu um 25.000 gestir á heimasíðu Hæstaréttar. Liðurinn DÓMAR var heimsóttur oftast, eða um 64.000 sinnum. Liðurinn LEITARVÉL átti um 36.000 uppflettingar og ÁFRÝJUÐ MÁL 20.000.



## VI. Önnur útgáfa á vegum Hæstaréttar

### Dómasafn Hæstaréttar og registur

Samkvæmt 2. mgr. 11. gr. laga nr. 15/1998 um dómstóla skulu dómar Hæstaréttar gefnir út, en um tilhögun útgáfunnar fer eftir ákvörðun Hæstaréttar að fengnu samþykki dómsmálaráðherra. Dómasafn Hæstaréttar hefur verið gefið út á prenti frá því rétturinn tók til starfa árið 1920 og mun verða svo áfram. Eins og fram hefur komið eru dómar Hæstaréttar einnig birtir á vefsíðu réttarins frá og með upphafi ársins 1999.

Samhliða því sem útgáfa hæstaréttardóma á netinu var tekin upp í upphafi árs 1999 var ákveðið að hætta útgáfu árlegs registurs hæstaréttardóma frá og með því ári. Má rekja þá ákvörðun til þess að fyrirsjáanlegt er að leit í vefútgáfu hæstaréttardóma muni verða auðveld og skilvirk. Er hefðbundnu registri, sem í er að finna málaskrá, nafnaskrá, skrá yfir lagatiltvitnanir og atriðisorðaskrá með reifunum dóma, því ofaukið.

### Bæklingur Hæstaréttar

Gefinn er út á vegum Hæstaréttar litprentaður bæklingur, þar sem stiklað er á stóru í sögu réttarins, starfsemi hans reifuð og dómhús við Arnarhól kynnt. Bæklingurinn er gefinn út á íslensku og ensku og er fánlegur endurgjaldslaust á skrifstofu Hæstaréttar.





Hæstiréttur Íslands  
Dómhúsinu við Arnarhól  
150 Reykjavík  
sími: 510-3030, fax: 562-3995  
heimasíða: [www.haestirettur.is](http://www.haestirettur.is)